

# Ferðir

XXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXX

Vinkonurnar Jenný og Guðrún náðu tveimur draumaferðum með skömmu millibili þegar þær klifu Hvannadalshnjúk og Hrótfjallstinda í glampandi sól og einstakri veðurblíðu. ➔2





Starri Freyr  
Jónsson  
starri@365.is



Einmuna veðurbliða hefur verið uppi á mörgum hæstu tindum landsins undanfarnar vikur og hafa margir göngumenn nýtt tækifærið og haldið í skemmtilegar göngur. Meðal þeirra eru vinkonurnar Jenný Guðbjörg Hannesdóttir og Guðrún Ragna Hreinsdóttir sem með tveggja vikna millibili náðu að ganga upp á hæsta tind landsins, Hvannadalshnjúk, og Hrútfjallstinda í næsta nágrenni í einstöku veðri. Sjálfsagt myndu margir telja sig heppna að ná einn slíkri draumaferð um ævina en að ná tveimur slikum með svo skömmu millibili er auðvitað einstakt, að þeirra sögn.

Þær segja upplifunina á toppunum hafa verið frábæra, fegurðina einstaka og veðurbliðuna með eindæmum. „Á Hrútfjallstindum var það ótrúlegt útsýnið sem heillaði okkur algjörlega. Strax í 1.000 metra hæð var útsýnið stórkostleg. Á Hvannadalshnjúki fundum við meira fyrir sigurtilfinningu, að hafa náð á hæsta topp landsins, en leiðin upp býður ekki upp á mikið útsýni,“ segir Jenný. „Það er fullt af fólki sem reynir við þessa tinda í nokkur skipti áður en það fær útsýni eða hreinlega nær á toppinn. Að hafa fengið þetta veður í báðum ferðunum eru algjör forréttindi og við nutum þess í botn. Við eigum líklega eitthvað inni hjá veðurguðunum,“ bætir Guðrún við.

Óvænt tækifæri

Hvorug þeirra hafði klifið áður Hvannadalshnjúk eða Hrútfjallstinda og raunar var hæsti tindur landsins ekkert endilega á dagskrá þetta árið að þeirra sögn. „Hins vegar höfðum við rætt það að ef við fengjum tækifæri til að fara með litlum hópi myndum við grípa tækifærið. Þótt aðrir tindar séu meira krefjandi og spennandi en Hnjúkurinn finnst okkur auðvitað nauðsynlegt að fara á hæsta tind landsins.“

Og óvænt tækifæri kom þegar forsvarsmður gönguhóps bauð þeim með nokkurra daga fyrirvara þegar pláss losnuðu vegna forfalla. „Við stukkum á það, sérstaklega þar sem við vorum óvissar um að komast á Hrútfjallstinda. Af því við erum báðar í góðu formi og förum á fjöll allan ársins hring var hægt að stökkva á þetta án sérstaks undirbúnings. Vinkona okkar, Helga Dröfn Þórarinsdóttir, ákvað líka að grípa tækifærið en hún var einnig að ganga á Hnjúkinn í fyrsta sinn.“

**Góð stemning**  
Ferðin á Hvannadalshnjúk hófst



Gengið undir Vesturtindi Hrútfjallstinda í dásamlega fallegu veðri.

Það er fullt af fólki sem reynir við þessa tinda í nokkur skipti áður en það fær útsýni eða hreinlega nær á toppinn. Að hafa fengið þetta veður í báðum ferðunum eru algjör forréttindi og við nutum þess í botn.

við eyðibýlið Sandfell um kl. 3 eftir miðnætti, laugardaginn 6. maí. „Við gengum upp Sandfellsheiði og upp í jökulrönd í 1.100 metra hæð. Þar hefst jöklagangan sjálf, við rætur „dauðabrekkunnar“ margumræddu, þar sem allir eru bundnir í línu. Í um 1.600 metra hæð komum við að sprungusvæði þar sem nokkrir, þar á meðal við báðar, lentum í sprungum. Ekkert

alvarlegt en við förum þó alveg upp að mitti en komumst sjálfar upp úr þeim.“

Færið var gott að þeirra sögn, mátulega hart en glampanði sól og hiti. „Í 1.800 metra hæð festum við broddana á okkur og síðasti áfanginn upp á Hnjúkinn var klifinn. Við stoppuðum lengi á toppnum enda veðurbliðan með eindæmum, mikið af fólki og góð stemning. Niðurferðin var mun erfiðari enda mikil snjóbráð og þá er þyngra að ganga og fólk orðið þreytt. Ferðin tók í heildina um 16 tíma.“

**Ekki ský á himni**  
Þær höfðu rætt það sín á milli um veturinn að ganga upp á Hrútfjallstinda enda taldir með glæsilegustu tindum landsins. „Við sáum ferð auglýsta með Ferðafélagi Íslands en drögum það lengi að skrá okkur að það var kominn biðlisti loksins þegar við létum verða af því. Við komumst þó inn að lokum og



Himinlifandi á toppi Hvannadalshnjúks. F.v.: Jenný, Guðrún og Helga.



Með Gesti göngufélaga. Mið- og Suðurtindar Hrútfjallstinda í bakgrunni.

hófum ferðina um kl. 1 eftir miðnætti laugardaginn 20. maí.“

Ferðin á Hrútfjallstinda, sem eru í vestanverðum Öræfajökli milli Svinafellsjökuls og Skaftafellsjökuls, hófst við rætur Hafrafells og er mikil hækkun tekin í upphafi göngu. „Gengið var að Sveltiskarði og þaðan yfir á jökulinn. Þar var hópnum skipt niður og farið í línur. Færið var hart og gott og aftur fengum við þetta ótrúlega flotta veður, nánast logn og ekki ský á himni.“

Hrútfjallstindar eru fjórir og var fyrst gengið að og undir Vesturtind og þaðan á Hátind sem er hæstur Hrútfjallstinda, 1.875 metrar. „Þaðan fengum við stórkostlegt útsýni yfir á hina tindana, Miðtind og Suðurtind. Þar blasir einnig við Hvannadalshnjúk, Dyrhamar, Tindaborgin og Sveinstindur í fjarska. Kverkfjöll, Snæfell, Skaftafellsfjöllin með Þumal og Miðtind, Mávabyggðir og svo mætti lengi telja.“

Hluti hópsins fór á Miðtind og flestir fóru á Vesturtind. „Þetta tók allt heillangan tíma og við vorum ekkert að flyta okkur í góða veðrinu. Eins og á Hnjúknum var snjóbráð á leiðinni niður, hliðar Hafrafells eru brattar og niðurferðin reyndi því nokkuð á. Ferðin tók í heildina um 18 tíma.“

**Alltaf tilbúnar**  
Sumarið er fram undan og lítið verður slakað á næstu mánuði þegar kemur að göngum. Þær fara sama í Lónsöræfi í sumar og vonandi á Glerárdalstinda auk þess sem Guðrún ætlar á Botns-súlur, inn á Friðland að Fjallabaki, Galtárhöfuð í Mýrdalnum og margt fleira með Fjallafélaginu. „Svo förum við ýmislegt á eigin vegum með göngufélögum okkur. Með því að halda sér í góðu gönguformi allt árið er lítið mál að henda í bakpoka og reima á sig skóna og grípa tækifærin þegar þau gefast.“

# STUÐ Í ÚTILEGUNNI

## MEÐ EXIDE RAFGEYNUM


Áreiðanlegir og sterkbyggðir rafgeymar fyrir ýmsar gerðir af ferðatækjum, s.s. hjólhýsi, fellihýsi o.fl. Veldu þau þau frá gæðaframleiðanda.

15%  
AFSLÁTTUR  
Í MAÍ

Exide fæst í verslun Rekstrarlands, Vatnagörðum 10 og hjá útibúum Olís um land allt.  
Sími 515 1100 • pontun@olis.is • olis.is



# SLÖKUN - VELLÍÐAN - UPPLIFUN



- VERIÐ VELKOMIN Í MÝVATNSSVEIT -

[www.jardbodin.is](http://www.jardbodin.is) · sími 464 4411 · [info@jardbodin.is](mailto:info@jardbodin.is)



# Allir ættu að gera öryggisráðstafanir

Sumarið er handan við hornið og viðbúið að fólk fari að vera meira á ferðinni. Þó við Íslendingar teljum okkur þekkja landið nokkuð vel er betra að hafa vaðið fyrir neðan sig og gera einfaldar öryggisráðstafanir.

Vera  
Einarsdóttir  
vera@365.is



Í upphafi skyldi alltaf kanna veðurspána. Það er regla númer eitt,“ segir Jónas Guðmundsson, verkefnastjóri slysavarna hjá Slysavarnafélaginu Landsbjörg, sem féllst á að fara yfir helstu öryggisráðstafanir sem fólk ætti að gera áður en lagt er í hann. „Þeir sem hyggja á útivist og göngur þurfa síðan að huga að klæðnaðinum, en gott er að hugsa hann í þremur lögum. Innsta lagið er nærfatnaður. Hann þarf að vera þannig að hann einangri vel og haldi einangrun þó hann blotni. Næst er það miðlagið sem virkar eins og lopapeysa, flispeysa eða annað sem er þykkt og gott. Á Íslandi er svo ekki síst mikilvægt að huga að ysta laginu og passa að það verji eins mikið og hægt er fyrir vatni og vindi,“ segir Jónas. Hann segir mörg alvarlegustu tilvikin og jafnvel banasýsin sem Landsbjörg komi að tengjast illa búnu fólki. „Það er mikilvægt að hafa það í huga að þó veðrið sé gott í byggð gildir ekki það sama á fjöllum. Þá getur skollíð á vonskuveður með skömmum fyrirvara. Þeir sem eru vel búnir geta jafnvel beðið af sér veður en aðrir eiga á hættu að ofkælast.“

## Skiljið eftir ferðaáætlun

Jónas hvetur alla til að skilja eftir ferðaáætlun og segir það alls ekki bara eiga við um erlenda ferðamenn. Áætlunin er færð inn á safetravel.is. „Þú skilur hana einfaldlega eftir og ef eitthvað kemur upp á byrjum við á því að athuga hvort hún liggi fyrir en þá er auðveldara að komast á sporíð.“ Ef fólk er eitt á ferð, sem Jónas mælir reyndar aldrei með en veit þó að það gerir, ætti í öllum tilfellum að skilja eftir ferðaáætlun.



Jónas hvetur alla til að skilja eftir ferðaáætlun, bæði þegar farið er í lengri og skemmri ferðir. MYND/GVA



Jónas Guðmundsson.

Á það jafnt við um þá sem ætla í nokkurra daga göngu eða kvöldtúr á Esjuna. „Sérstaklega ef farið er upp á Hátind, Mósarðshnjúka eða á aðra fáfarna staði,“ segir Jónas og tekur einfalt dæmi: „Ef göngumaður ætlar einn í kvöldgöngu upp á Esju færir hann áætlunina inn á safetravel.is og skráir hvenær hann býst við því að vera kominn til baka. Ef hann er

ekki búinn að senda sms á þeim tíma poppar upp mál hjá Neyðarlínunni. Þá er byrjað á að reyna að ná sambandi. Ef það næst ekki er sendur lögreglubíll á bílastæðið hjá Esjunni. Ef bill göngumannsins er á staðnum en mannlaus er farið í frekari aðgerðir.“ Kosturinn við að skrá inn ferðaáætlun er að sögn Jónasar líka sú að notendur fá sjálfkrafa sms með öllum viðvörðunum sem eiga við. Þeir fá þá samstundis upplýsingar um breytingar á veðri, hversu mikið er í ám og annað í þeim dúr.

## Jöklakort með sprunguþekju

Þeir sem ætla að ganga á jökla ættu svo að sögn Jónasar að gera sérstakar ráðstafanir. „Við erum búin að kortleggja sprungusvæði og er hægt að hlada sérstakri þekju niður í GPS-tæki en þar sést með grænu,

gulu og rauðu hvar er æskilegt að ganga og hvar ekki. Þá erum við búin að merkja hættuminni leiðir á Mýrdals- og Vatnajökli með GPS-punktum sem gott er að fara eftir.“

## Gott að fara á námskeið

Jónas segir sífellt fleiri Íslendinga ganga á jökla og brattari fjöll. „Það er hið besta mál en stundum getur verið gagnlegt að byrja á því að fara á námskeið til að læra að meta snjóflóðahættu til fjalla, læra á GPS, kort og áttavita svo dæmi séu nefnd.“ Að sögn Jónasar er snjóflóðahætta á fjöllum fyrir hendi allan veturinn og jafnvel vel fram í júní. Á jöklu getur hún verið til staðar allan ársins hring.

## 112-appið

Jónas hvetur alla til að hlada niður 112-appinu í símann. „Þar er

annars vegar hægt að senda staðsetningu eins oft og þurfa þykir, en appið vistar síðustu fimm. Þetta eru kallaðir brauðmolar og ef notandi kemst af einhverjum orsökum ekki í símann er hægt að fylgja þessum punktum þegar farið er að leita. Hins vegar er með einum smelli hægt að ýta á neyðartakka. Þannig sendir notandi staðsetningu sína og nær um leið simasambandi við Neyðarlínuna.“

Mikið af ofangreindum ráðleggingum byggir á því að fólk hafi virk fjarskiptatæki við höndina. „Gæta þarf að því að farsíminn sé hlaðinn og eins er gott að vera með talstöð eða neyðarsendi eins og við á, en þess má geta að Landsbjörg leigir út neyðarsenda gegn vægu gjaldi. Þá er hægt að panta á safetravel.is og fá afhenta á Ísafirði, Akureyri, Reykjavík og Höfn.“



## RH-Íbúðir

Túngötu 5, 400 Ísafjörður

Netf: rhibudir@simnet.is

# Áhugaverðir staðir fyrir börn

Útgáfuhófi í tilefni útkomu bókarinnar Reykjavík With Kids verður haldið á morgun, laugardag, klukkan 13, í Pennanum Eymundsson Austurstræti. Í bókinni eru hugmyndir að stöðum sem hægt er að heimsækja með krökkum. Höfundar bókarinnar, þær Lára G. Sigurðardóttir lækni og Sigríður Arna Sigurðardóttir hjúkrunarfræðingur, kalla þessa staði „uppskrift að hamingjusamara og heilsusamlegra fjölskyldulífi“.

Bókinni er skipt í níu kafla eftir kennileitum, náttúruperlum, gördum, leiksvæðum, skemmtun/afþreyingu, menningu, fjallgöngum, sundlaugum og dagsferðum frá borginni. Aftast í bókinni er kort sem hjálpar til við að rata.



Fjöruferð er vinsæl hjá börnum og eru Gróttu og Álfanesströnd tilvaldir staðir. MYND/STEFÁN

## Tillögur úr bókinni:

- Fjallganga er alltaf hressandi og má þar nefna Úlfarsfell, Esju og Mosfell.
- Fjöruferð er vinsæl hjá börnum og eru Gróttu og Álfanesströnd góð dæmi.
- Hellaskoðun er ævintýraleg og spennandi og eru til dæmis Leiðarendi og Arnarker hentugir.
- Könnunarleiðangur með nesti á útivistarsvæði svo sem Heiðmörk, Öskjuhlíð eða Elliðaárdal.
- Safnaferð er í senn fræðandi og áhugaverð, svo sem Þjóðminjasafnið, Hvalasafnið eða Hið íslenska reðursafn.
- Dagsferð úr bænum í hinar ýmsu náttúruperlur og spennandi staði svo sem Adrenalíngarðinn á Nesjavöllum, heitu lækina í Reykjadal, Orkuverið Jörð á Reykjanesi eða jafnvel dagsferð til Vestmannaeyja.



# FOSSHOTEL

## GISTING OG VEITINGASTAÐIR UM ALLT LAND

VIÐ  
TÖKUM  
VEL Á  
MÓTI PÉR



FOSSHOTEL  
WESTFJORDS



FOSSHOTEL  
STYKKISHÓLMUR



FOSSHOTEL  
HELLNAR



FOSSHOTEL  
REYKHOLT



FOSSHOTEL  
REYKJAVÍK



FOSSHOTEL  
LIND



FOSSHOTEL  
BARON



FOSSHOTEL  
RAÐARÁ



FOSSHOTEL  
HEKLA



FOSSHOTEL  
NÚPAR



FOSSHOTEL  
GLACIER LAGOON



FOSSHOTEL  
VATNAJÖKULL



FOSSHOTEL  
EASTFJORDS



FOSSHOTEL  
MÝVATN



FOSSHOTEL  
HÚSAVÍK





Litið til baka inn í heim Vesturfara.



Karлакórinn Heimir í Vesturheimi á dögnum.



Vesturfarasetrið á Hofsósi er í ákaflega fallegu, gömlu húsi.

# Leita uppruna síns á Hofsósi

Valgeir Þorvaldsson kom með hugmynd að Vesturfarasetrinu á Hofsósi fyrir tuttugu árum. Nýlega kom hann heim eftir ánægjulega heimsókn til Kanada með karlakórnum Heimir.

Elín  
Albertsdóttir  
elin@365.is



Hofsós er skemmtilegt þorp sem sífellt fleiri ferðamenn sækja heim, bæði innlendir og útlendir. Vesturfarasetrið dregur að fjölda gesta og einnig glæsileg sundlaug bæjarins. Valgeir hefur helgað Vesturfarasetrinu krafta sína og segist alltaf taka á móti gestum þótt formlegur opnunartími sé frá 1. júní til 1. september. „Við opnum þegar fólk óskar eftir því, til dæmis hópar,“ segir hann.

Valgeir byrjaði að vinna með hugmyndina fyrir tuttugu árum

og kynnti sér þá starf vesturfara-setra í Evrópu. Sjálfur hefur hann haft mikinn áhuga á sögu forfeðra sinna sem voru meðal þeirra sem fluttust frá Íslandi til Kanada á árunum 1870-1914. „Ég áttaði mig fljótlega á því að það var enginn hér á landi að halda þessari sögu forfeðra okkar til haga. Ýmsir höfðu áhuga en enginn tók af skarið. Mér fannst þessi saga alltaf merkileg. Síðan fór ég að vinna við að bjarga gamla þorpskjarnanum hér á Hofsósi og sá þá að hann var fyrirtaks rammur utan um þetta verkefni. Hér er hægt að segja þessa sögu án áreitiss frá gámaflutningaskipum eða bílum. Það hentar þessu verkefni að vera í kyrrð og ró,“ segir Valgeir sem er alinn upp

“Ég áttaði mig fljótlega á því að það var enginn hér á landi að halda þessari sögu forfeðra okkar til haga.

í sveitinni fyrir utan Hofsós. „Ég er Skagfirðingur í húð og hár.“ Starfsmenn Byggðsafsins í Skagafirði hafa unnið með Valgeiri í uppsetningu á sýningum. „Við erum í mjög góðu samstarfi sem er lykillinn að þekkingu og skrásettum heimildum. Byggðasöfn hafa rannsóknarskyldu og láta ekkert frá sér nema það sé pottþétt.


Vesturfarasetrið er í gömlu, fallegu húsi við höfnina á Hofsósi. Þar var kaupfélag á fyrri tímum. Endurbýggingu hússins lauk árið 1996 og var byggingin opnuð af forseta Íslands, Vigdís Finnbogadóttur, við hátíðlega athöfn í júlí 1996. „Margir gestir safnsins koma frá Kanada og Bandaríkjunum og eru að leita uppruna síns. Sömu leiðis koma Íslendingar í sömu erindagjörðum. Eitt svæði er tileinkað Norður-Dakóta,“ segir Valgeir en ýmsa muni og myndir má sjá á setrinu. Myndunum fylgja nöfn og saga viðkomandi. Valgeir er nýkominn frá Kanada en þangað fór hann með 130 manna hópi, þar á meðal karlakórnum Heimir. „Við fórum til

Vancouver og Victoria. Þetta var gríðarlega skemmtileg ferð en við settum upp þrenna tónleika sem nefndust Greetings from Iceland. Það var fullt að Vestur-Íslendingum sem mættu til að hlýða á kórinn. Meðal annars komum við fram í Kristskirkjunni í Victoria en þar voru tæplega átta hundruð manns. Ferðin tók tólf daga og var einstaklega vel heppnuð í alla staði. Það er viss áskorun að skipuleggja svona ferð og vera ábyrgur fyrir svona stórum hópi. Við gafum alla innkomu af tónleikunum til Íslendingafélaganna,“ segir Valgeir sem er þessa dagana að undirbúa nýja sýningu frá Vesturströndinni. „Ferðin var liður í að efla andann á milli manna.“

# ALLTAF VIÐ HÖNDINA

Þú getur lesið Fréttablaðið í heild sinni á Vísi og í Fréttablaðs-appinu

Þú færð appið á [visir.is/fbl](http://visir.is/fbl) eða beint í gegnum



FRÉTTABLAÐIÐ  
... allt sem þú þarft

VOR  
SPRENGJA\*

30%

AFSLÁTTUR

GILDIR EKKI AF NÝJUM VÖRUM

**CINTAMANI**

dress code iceland

snapchat/cintamani.is + facebook/cintamani\_iceland + instagram/cintamani.iceland

bankastræti + kringlan + smáralind + austurhraun + akureyri + www.cintamani.is

\*gildistími er 26. maí - 28. maí





## Vinaleg listahátíð

Sumarið er tími bæjarhátíða og ýmissa smærri hátíða víða um land. Um helgina lýkur t.d. Þjóðlistahátíðinni Vöku sem fer fram í Menningarhúsinu Hofi á Akureyri. Raunar hófst Vaka í Þingeyjarsýslu þann 19. maí en lýkur á morgun laugardag á Akureyri. Á Vöku gefst einstakt tækifæri til að kynnst hefðbundinni íslenskri tónlist auk þess sem hlýða má á tónlist frá Englandi, Írlandi, Noregi, Svíþjóð og Skotlandi. Hátíðin er lítil og vinaleg þjóðlistahátíð en þó með fjölbreytt úrval skemmtiatriða fyrir alla aldurshópa. Þar má m.a. nefna síðdegis- og kvöldtónleika, námskeið sem bæði eru haldin um morgun og kvöld fyrir ólíka aldurshópa og málþing þar sem skoðuð er m.a. þjóðlagatónlist þáttökulandanna frá ólíkum sjónarhornum. Einnig verður boðið upp á óformlegar söng- og samspilastundir í hádeginu auk þess sem öllum er velkomið að taka þátt og vera með á loka-kvöldtónleikunum á morgun.



Nánari upplýsingar má finna á [www.thjodlist.is](http://www.thjodlist.is) og miðasala fer fram á [www.mak.is](http://www.mak.is).



Klettshellir gengur inn í Ystaklett.

## Hljóðheimur í Klettshelli

Hellar eru vinsælir áfangastaðir ferðamanna á Íslandi enda spennandi að ganga inn í óvissuna og myrkrið. Fjölmarga hella er að finna um land allt og hægt að finna upplýsingar um þá í ýmsum ferðahandbókum. Einn af þekktari hellum landsins er Klettshellir sem er líklega þekktasti hellirinn í Vestmannaeyjum. Hann er ekki hægt að nálgast nema á báti. Klettshellir gengur inn í Ystaklett. Fremst er hvelvingin afar há en lækkar fyrir miðjum helli og hækkar aftur innst. Hellirinn er mjög langur. Sjávardýpi er svo mikið í honum að allstór vélbátur kemst inn. Vinsælt er að koma við í hellinum þegar siglt er um Vestmannaeyjar. Þá er farið inn í hellinn og oftar en ekki spilað á hljóðfæri, enda myndast magnaður hljóðheimur þegar tónarnir endurkastast af klettaveggjunum. Stundum hafa verið haldnir tónleikar um borð í skipi í Klettshelli og hafa þótt afar áhrifaríkir.

## Árbæjarsafn verður opnað á morgun

Á morgun, laugardaginn 27. maí, verður Árbæjarsafn opnað fyrir gesti og gangandi og verður safnið opið alla daga frá klukkan 10-17 í sumar. Að vanda verður skemmtileg dagskrá í boði þar sem áhersla er lögð á fræðslu og fróðleik í bland, sem enginn ætti að láta fram hjá sér fara. Margar áhugaverðar sýningar eru á safninu og má þar nefna sýninguna Komdu að leika! sem er sérstaklega sniðin fyrir börn. Þar er hægt að læra allt um sögu leikfanga á tuttugustu öldinni í

gegnum leik en stutt fræðsla og frjáls leiktími er á sýningunni. Árbæjarsafn býður áhugasömum að halda barnaafmæli í leikfanga-sýningu safnsins. Um helgar í sumar er sérstök dagskrá svo allir ættu að finna eitthvað við sitt hæfi á safninu. Þar er einnig hægt að leika sér úti og er um að gera að nýta það tækifæri þegar veður leyfir. Að vanda verður hægt að kaupa ljúffengar veitingar í Dillonshúsi. Nánar upplýsingar er að finna á heimasíðu safnsins, [borgarsogusafn.is](http://borgarsogusafn.is).



Heimsókn í Árbæjarsafn er alltaf skemmtileg.



# ÁSKRIFTIN FYLGIR ÞÉR

Með sjónvarpsáskrift hjá 365 getur þú horft á uppáhaldssjónvarpsefnið þitt, hvar og hvenær sem er – því áskriftin fylgir þér. Þú þarft ekki að missa af neinu, þú getur notið línulegrar dagskrár allra sjónvarpsstöðva, tímaflakks, Frelsis og Stöð 2 Marápon NOW í snjallsíma, spjaldtölvu, Apple TV og í vafra.

